

artigo 35 e 36 da Lei Xeral Tributaria, que soliciten, provoquen ou que teñan un interese no que redunde a tramitación do documento ou expediente de que se trate.

ARTIGO 4º.—RESPONSABLES TRIBUTARIOS

1.—Responderán solidariamente das obrigas tributarias do suxeito pasivo as persoas físicas ou xurídicas as que se refire o artigo 42.c) da Lei 58/2003, de 17 de decembro, Xeral Tributaria.

2.—Serán responsables subsidiarios as persoas ou entidades sinaladas no artigo 43 Lei 58/2003, de 17 de decembro, Xeral Tributaria.

ARTIGO 5º.—COTA TRIBUTARIA

A cota tributaria determinarase por unha cantidade fixa sinalada segundo a natureza dos expedientes ou documentos a tramitar, de conformidade coas seguintes tarifas:

DEREITOS DE EXAME

Exames para prazas encadradas no grupo A ou asimilado:	55,00 euros
Exames para prazas encadradas no grupo B ou asimilado:	45,00 euros
Exames para prazas encadradas no grupo C ou asimilado:	35,00 euros
Exames para prazas encadradas no grupo D ou asimilado:	25,00 euros
Exames para prazas encadradas no grupo E ou asimilado:	15,00 euros
Probas para contratacións temporais:	3,00 euros

FOTOCOPIAS DE PLANOS E DE DOCUMENTOS TÉCNICOS

Por folio tamaño DIN A-4:	0,15 euros
Por folio tamaño DIN A-3:	0,30 euros
Por folio tamaño DIN A-4 na biblioteca:	0,15 euros
Por copias en color:	1,50 euros
Información impresa por ordenador (sen fotografías):	0,15 euros
Compulsa destes documentos por folio:	0,50 euros

DOCUMENTOS RELATIVOS A URBANISMO

Certificado de condicións urbanísticas:	60,00 euros
Outros informes urbanísticos:	30,00 euros
Outros certificados urbanísticos:	50,00 euros
Tramitación do expediente que determine o carácter público ou privado de camiños: ...	240,00 euros

OUTROS DOCUMENTOS

Exemplar de ordenanzas fiscais:	24,00 euros
Bastanteo de poderes:	24,00 euros
Certificado de acordos municipais, ano en curso:	10,00 euros
Certificado de acordos municipais, anos anteriores:	12,00 euros
Expedición de certificados emitidos pola policía local:	10,00 euros
Expedición de atestados emitidos pola policía local:	30,00 euros

ARTIGO 6º.—BENEFICIOS FISCAIS E BONIFICACIÓNS

Gozarán de exención aqueles contribuíntes no que conorra algunha das seguintes circunstancias:

- Ter obtivo o beneficio xudicial de pobreza, respecto ós expedientes que deben surtir efecto, precisamente no procedemento xudicial no que foran declarados pobres.
- Investigadores, estudantes e organizacións non gubernamentais sen afán de lucro, así como os servizos prestados para prover os interesados da documentación necesaria para ter acceso a prestacións sociais. No caso de investigadores estudantes e organizacións non gubernamentais sen afán de lucro acreditarase o interese, investigación ou estudio a realizar.

ARTIGO 7º.—DEVENGO

Devéngase a taxa e nace a obriga de contribuir cando se inicie a prestación dos servizos suxeitos a gravame, entendéndose, a estes efectos, que dita iniciación prodúcese coa solicitude daqueles.

ARTIGO 8º.—DECLARACIÓN E INGRESO

1.—A taxa esixirase en réxime de autoliquidación.

2.—Os escritos recibidos polos conductos a que fai referencia o artigo 66 da Lei de Procedemento Administrativo, que non veñan debidamente reintegrados, serán admitidos provisionalmente, pero non poderá dárseles curso sen que emende a deficiencia, polo que se requirirá ó interesado para que, no prazo de 10 días abone as cotas correspondentes co apercibimento de que transcorrido dito prazo sen efectualo, se terán os escritos por non presentados e será arquivada a solicitude.

ARTIGO 9º.—INFRACCIÓN E SANCIÓNS

En todo o relativo á cualificación de infraccións tributarias, así como das sancións que as mesmas correspondan en cada caso, estarase ó disposto nos artigos 181 e seguintes da Lei Xeral Tributaria.

DISPOSICIÓN FINAL

A presente Ordenanza entrará en vigor a o día seguinte da súa publicación no Boletín Oficial da Provincia e comezará a aplicarse a partir do un de Xaneiro de 2008, permanecendo en vigor ata a súa modificación ou derogación expresa.

Contra a presente ordenanza cabe recurso contencioso-administrativo na forma e prazos determinados na Lei 29/98 de Xurisdicción Contencioso-administrativa.

Poio, a 27 de decembro de 2007.—O Alcalde,
Luciano Sobral Fernández. 2007011946

* * *

RODEIRO

E D I C T O

Transcorrido o prazo de exposición ao público do acordo e ordenanza fiscal provisionais do imposto sobre bens inmobles (ibi), aprobados polo pleno do concello na sesión ordinaria celebrada o día 26 de outubro de 2007, e non téndose presentadas, dentro do mesmo, reclamación algunha, dito acordo, así como a ordenanza fiscal anexa ao mesmo, quedan elevados a definitivos, de conformidade co disposto no artigo 17.3 do texto refundido da lei reguladora das facendas locais.

De conformidade co disposto no artigo 19.1 da devandita lei, contra o presente acordo os interesados lexítimos poderán interpoñer o correspondente recurso contencioso-administrativo na forma e prazo que establece a lei reguladora de dita xurisdicción.

Rodeiro, a 26 de decembro de 2007.—O Alcalde, Manuel N. Salgado González.

A N E X O

ORDENANZA FISCAL REGULADORA DO IMPOSTO SOBRE BENS INMOBLES (IBI)

A tenor das facultades normativas outorgadas polos artigos 133.2 e 142 da Constitución Española e o artigo 106 da Lei 7/1985 Reguladora das Bases de Réxime Local sobre potestade normativa en materia de tributos locais e de conformidade así mesmo ao establecido nos artigos 15 e seguintes, así como do Título II, e artigos 61 e seguintes, todos eles do Texto Refundido da Lei de Facendas Locais, aprobado por Real Decreto Lexislativo 2/2004 de 5 de marzo e artigos 6, 7 e 8 do Texto Refundido da Lei do Catastro Inmobiliario aprobado por Real Decreto Lexislativo 1/2004 de 5 de marzo, e as modificacións de ditos textos introducidas pola Lei 16/2007 de 4 de xullo, Disposición Adicional Sétima e Décima, logo do pronunciamiento do Tribunal Supremo en sentenza de 30 de maio de 2007 pola que declara nulo e expulsa do ordenamento xurídi-

co parte da redacción do artigo 23 do Regulamento de desenvolvemento da Lei do Catastro Inmobiliario aprobado por Real Decreto 417/2006 de 7 de abril, regulase mediante a presente Ordenanza Fiscal o Imposto sobre Bens Inmóbeis coas excepcións que se conteñen máis adiante e conforme ás tarifas que se inclúen na presente ordenanza.

Artigo 1º. *Feito imponible.*

1. O feito imponible do Imposto sobre Bens Inmóbeis está constituído pola titularidade dos seguintes dereitos sobre os bens inmóbeis rústicos, urbanos e sobre os inmóbeis de características especiais:

- a) Dunha concesión administrativa sobre os propios inmóbeis o sobre os servizos públicos aos que estean afectos.
- b) Dun dereito real de superficie.
- c) Dun dereito real de usufruto.
- d) Do dereito de propiedade.

A realización do feito imponible que corresponda de entre os definidos no apartado anterior pola orde establecida no mesmo, determinará a non suxeición do inmóbel urbano o rústico ás restantes modalidades no mesmo previstas. Nos inmóbeis de características especiais aplicarase esta mesma prelación, salvo cando os dereitos de concesión que podan recaer sobre o inmóbel non esgoten a súa extensión superficial, suposto no que tamén se realizará o feito imponible polo dereito de propiedade sobre a parte do inmóbel non afectada por unha concesión.

Teñen consideración de bens inmóbeis de natureza urbana, rústicos e bens inmóbeis de características especiais, os definidos como tales nas normas que regula o Catastro Inmobiliario: os comprendidos nos seguintes grupos:

1. Os destinados á produción de enerxía eléctrica e gas e ao refino de petróleo e ás centrais nucleares.
2. As presas, saltos de auga e embalses, incluído o seu lecho ou vaso, excepto as destinadas exclusivamente ao rego.
3. As autoestradas, estradas e túneles de peaxe.
4. Os aeroportos e portos comerciais.

E lo coas especificacións contidas no artigo 23 do Regulamento de desenvolvemento do Catastro Inmobiliario aprobado por Real Decreto 417/2006 de 7 de abril, na súa redacción dada pola Sentenza do Tribunal Supremo de 30 de maio de 2007.

O carácter urbano ou rústico do inmóbel dependerá da natureza do solo.

Artigo 2º. *Suxeitos pasivos*

Son suxeitos pasivos, a título de contribuíntes, as persoas naturais e xurídicas, e as entidades ás que se refire o artigo 35.4 da Lei 58/2003 de 17 de decembro, Xeneral Tributaria, que ostenten a titularidade do dereito que, en cada caso, sexa constitutivo do feito imponible deste imposto.

No caso de bens inmóbeis de características especiais, cando a condición de contribuínte recaia en un ou varios concesionarios, cada un deles o será pola súa cota, que se determinará en razón á parte do valor catastral que corresponda á superficie concedida e á construción ou parte do inmóbel directamente vinculada a cada concesión.

Para esa mesma clase de inmóbeis de características especiais, cando o propietario teña a condición de contribuínte en razón da superficie non afectada polas concesións, actuará como substituto do mesmo o Ente ou Organismo público ao que se refire o parágrafo segundo do núm. 1 do artigo 63 do Texto Refundido de Facendas Locais de 5 de marzo de 2004 na súa redacción dada pola Lei 16/2007, o cal non poderá repercutir no contribuínte o importe da débeda tributaria satisfeita.

O disposto no apartado anterior será de aplicación, sen prexuízo da facultade do suxeito pasivo de repercutir a carga tributaria soportada conforme ás normas de dereito común.

As administracións públicas e os entes ou organismos considerados suxeitos pasivos, repercutirán a parte da cota líquida

do imposto que corresponda, en quen, non reunindo a condición de suxeitos pasivos, fagan uso mediante contraprestación dos seus bens demaniais ou patrimoniais, os cales estarán obrigados a soportar a repercusión, que se determinará en razón á parte do valor catastral que corresponda á superficie utilizada e á construción directamente vinculada a cada arrendatario ou cesionario do dereito de uso.

Artigo 3º. *Responsables*

1.-Responden solidariamente das obrigacións tributarias todas as persoas que sexan causantes dunha infracción tributaria ou que colaboren en cometela.

2.-Os coparticipantes ou cotitulares das Entidades xurídicas ou económicas a que se refire a Lei Xeral Tributaria responderán solidariamente en proporción as súas respectivas participacións das obrigas tributarias destas Entidades.

3.-No suposto de sociedades ou entidades disoltas e liquidadas, as súas obrigas tributarias pendentes transmitiranse aos socios ou partícipes no capital, que responderán delas solidariamente e ata o límite do valor da cota de liquidación que se lles houberse adxudicado.

4.-A responsabilidade esixirase en todo caso nos termos e de acordo co procedemento previsto na Lei Xeral Tributaria.

Artigo 4º. *Exencións e afeccións reais*

1.-Exencións directas de aplicación de oficio: as comprendidas no Texto Refundido da Lei de Facendas Locais de 5 de marzo de 2004.

2.-Exencións directas de carácter rogado: as comprendidas con tal carácter no Texto Refundido da Lei de Facendas Locais de 5 de marzo de 2004.

3.-Con carácter xeral, a concesión de exencións terá efecto a partir do exercicio seguinte á data da solicitude e non pode ter carácter retroactivo. Porén, cando o beneficio fiscal se solicita antes de que a liquidación sexa firme, concederase se na data de devengo do tributo concorren os requisitos esixidos para o seu disfrute.

4.-Afección real na transmisión e responsabilidade solidaria na cotitularidade. De acordo ao artigo 64 do Texto Refundido da Lei de Facendas Locais de 5 de marzo de 2004, nos supostos de cambio, por calquera causa, na titularidade dos dereitos que constitúen o feito imponible deste imposto, os bens inmóbeis obxecto de ditos dereitos quedarán afectos ao pago da totalidade da cota tributaria, en réxime de responsabilidade subsidiaria, nos termos previstos na Lei Xeral Tributaria. A estes efectos, os notarios solicitarán información e advertirán expresamente aos comparecentes nos documentos que autoricen sobre as débedas pendentes polo Imposto sobre Bens Inmóbeis asociadas ao inmóbel que se transmite, sobre o prazo dentro do cal están obrigados os interesados a presentar declaración polo imposto, cando tal obriga subsista por non terse aportado a referencia catastral do inmóbel, conforme ao apartado 2 do artigo 43 do Texto Refundido da Lei do Catastro Inmobiliario e outras normas tributarias, sobre a afección dos bens ao pago da cota tributaria e, así mesmo, sobre as responsabilidades en que incorran pola falta de presentación de declaracións, o non efectualas en prazo ou a presentación de declaracións falsas, incompletas ou inexactas, conforme ao previsto no artigo 70 do Texto Refundido da Lei do Catastro Inmobiliario e outras normas tributarias.

5.-Responden solidariamente da cota deste imposto, e en proporción as súas respectivas participacións, os copartícipes ou cotitulares das entidades as que se refire o artigo 35.4. da Lei 58/2003 de 17 de decembro, Xeral Tributaria, si figuran inscritos como tales no Catastro Inmobiliario. De non figurar inscritos, a responsabilidade esixirase por partes iguais en todo caso.

Artigo 5º. *Base imponible.*

1. A base imponible está constituída polo valor catastral dos bens inmóbeis, que se determinará, notificará e será susceptible de impugnación conforme ás normas reguladoras do Catastro Inmobiliario.

A base imponible dos bens inmobles de características especiais non terá redución de forma xeral, salvo o disposto no artigo 67.2 do TRLHL na súa redacción dada por Lei 16/2007.

Estes valores poderán ser obxecto de revisión, modificación ou actualización nos casos e do xeito que a Lei prevea.

Artigo 6º. Reducións.

1.-A redución da base imponible será aplicable a aqueles bens inmobles, urbanos e rústicos, que se atopen nalgunha destas dúas situacións:

- a) Inmable cuxo valor catastral se incrementa como consecuencia de procedementos de valoración colectiva, de carácter xeral, en virtude da aplicación do novo relatorio total de valor aprobado con posterioridade ao 1-1-1997 ou por aplicación de sucesivos relatorios totais de valores que se aproben unha vez transcorrido o período de redución establecido no artigo 67 e seguintes do Texto Refundido da Lei reguladora das Facendas Locais de 5 de marzo de 2004.
- b) Cando se aprobe un relatorio de valores que dera lugar á aplicación de redución prevista, como consecuencia da aplicación prevista anteriormente e cuxo valor catastral se altere antes de finalizar o prazo de redución por:
 1. Procedemento de valoración colectiva de carácter xeral.
 2. Procedemento de valor colectiva de carácter parcial.
 3. Procedemento simplificado de valoración colectiva.
 4. Procedemento de inscrición mediante declaracións, comunicacións, solicitudes e subsanación de discrepancia e inspección catastral.

2.-A redución será aplicable de oficio coas normas contidas nos artigos 67, 68, 69 e 70 do Texto Refundido da Lei de Facendas Locais de 5 de marzo de 2004.

Estas reducións, en ningún caso serán aplicables aos bens inmobles de características especiais, salvo as establecidas anteriormente e contidas en dito texto legal.

Artigo 7º. Base liquidable

1.-A base liquidable será o resultado de practicar, no seu caso, na imponible as reducións que legalmente se establezan.

2.-A base liquidable, nos bens inmobles de características especiais, coincidirá coa base imponible, salvo as específicas aplicacións que prevea a lexislación.

3.-A base liquidable notificarase conxuntamente coa base imponible nos procedementos de valoración colectiva. Dita notificación incluírá a motivación da redución aplicada mediante a indicación do valor base do inmable así como o importe da redución, no seu caso, e da base liquidable do primeiro ano de vixencia do valor catastral.

4.-O valor base será a base liquidable conforme ás normas do Texto Refundido da Lei do Catastro Inmobiliario aprobado por Real Decreto Lexislativo 1/2004 de 5 de marzo e regulamentos de desenvolvemento.

5.-A competencia nos distintos procedementos de valoración será a establecida no Texto Refundido da Lei do Catastro Inmobiliario aprobado por Real Decreto Lexislativo 1/2004 de 5 de marzo e regulamentos de aplicación.

Artigo 8º. Tipo de gravame e cota.

O tipo de gravame será:

- a) Para os bens inmobles de natureza urbana: o 0,48 %
- b) Para os bens inmobles de natureza rústica: o 0,45 %
- c) Para todos os grupos de bens inmobles de características especiais: o 1,3 %

Artigo 9º. Bonificacións

1. No suposto de novas construcións, se pode conceder unha bonificación do 50% na cota íntegra do imposto, previa solicitude dos interesados e antes do inicio das obras ás empresas urbanizadoras, construtoras e promotoras, tanto si se trata de obra nova como rehabilitación equiparable a esta, de conformidade co Texto Refundido da Lei de Facendas Locais de 5 de marzo de 2004.

O prazo para beneficiarse da bonificación comprende o tempo de urbanización ou de construción e un ano máis a partir da finalización das obras. O citado prazo non pode ser superior a tres anos a partir do inicio das obras de urbanización e construción.

Para gozar da citada bonificación, os interesados deberán de cumprir os seguintes requisitos:

- a) Acreditar a data de inicio das obras de urbanización ou construción que se trate, o cal farase mediante certificación do Técnico - Director competente das mesmas, visado polo Colexio Profesional.
- b) Acreditar que a empresa se dedica á actividade de urbanización, construción e promoción inmobiliaria, o cal farase mediante a presentación dos Estatutos da Sociedade.
- c) Acreditar que o inmable obxecto da bonificación non forma parte do inmovilizado, o cal farase mediante certificación do Administrador da Sociedade, ou fotocopia do último balance presentado ante a A.E.A.T., a efectos do Imposto sobre Sociedades.
- d) A solicitude da bonificación pódese formular desde que se poda acreditar o inicio das obras.

2. As vivendas de protección oficial gozarán dunha bonificación do 50 por cento durante o prazo de tres anos, contados desde o outorgamento da cualificación definitiva, e previa petición do interesado, debendo xustificar a titularidade mediante escritura pública, inscrita no Rexistro da Propiedade.

3. Gozarán dunha bonificación do 95 por cento da cota os bens de natureza rústica das Cooperativas Agrícolas e de Explotación Comunitaria da terra, de acordo coa lexislación sectorial aplicable ás mesmas.

Artigo 10º. Bonificacións potestativas

1. En atención á existencia no Concello de asentamentos de poboación con preeminencia de actividades de carácter agrícola e gandeiro e que dispoñen dun nivel de servizos municipais inferior ao existente noutras áreas ou zonas consolidadas do Concello, aplicarase unha bonificación do 50 % na cota íntegra do imposto a favor dos bens inmobles urbanos que cumpran as seguintes condicións :

- a) Que estean situados nas áreas de expansión dos solos de núcleo rural definidos polo planeamento xeral municipal, en todos os núcleos das parroquias do Concello, agás dos da parroquia de San Vicente de Rodeiro.
- b) Que estean sen edificar ou carezan de construcións de calquera tipo.
- c) A presente bonificación aplicarase nun período máximo de cinco anos contados a partires da primeira revisión dos valores catastrais efectuada como consecuencia da aprobación definitiva do Plan Xeral de Ordenación Municipal.

2. O suxeitos pasivos que ostenten a condición de titulares de familia numerosa, de conformidade coa lexislación aplicable no seu momento, gozarán dunha bonificación na cota íntegra do imposto sobre bens inmobles de natureza urbana correspondente á vivenda habitual da unidade familiar coas seguintes condicións :

- a) Que todos os compoñentes da unidade familiar estean empadroxados no Concello de Rodeiro.
- b) Que a soliciten por escrito acreditando documentalmente que reúnen os requisitos para ser beneficiarios desta bonificación.

- c) A contía da bonificación será do 50 % en familias numerosas de ata catro membros e do 90 % naquelas que superen os catro membros.
- d) A presente bonificación será compatible con outros beneficios fiscais que lle puideran corresponder ao suxeito pasivo.

Artigo 11º. Período impositivo e acreditación do imposto

1. O período impositivo é o ano natural.
2. O imposto acredítase o primeiro día do ano.
3. As variacións de orde físico, económico ou xurídico, incluíndo as modificacións de titularidade, teñen efectividade a partir do ano seguinte a aquel no que se producen.
4. Cando o Concello coñeza a conclusión das obras que orixinen unha modificación de valor catastral, respecto ao que figura no seu Padrón, liquidará o IBI na data na que o Catastro lle notifique o novo valor catastral.
5. A liquidación do imposto comprenderá a cota correspondente aos exercicios “meritados” e non prescritos, entendendo por estes os comprendidos entre o seguinte a aquel no que se van a finalizar as obras que orixinaron a modificación de valor e o presente exercicio.
6. No seu caso, deducirase da liquidación correspondente a este exercicio e aos anteriores a cota satisfeita por IBI a razón de outra configuración do inmovible, diferente da que tivo na realidade.

Artigo 12º. Réxime de declaración e ingreso

1. Aos efectos previstos no artigo 76 do Texto Refundido da Lei de Facendas Locais de 5 de marzo de 2004, os suxeitos pasivos, están obrigados a formalizar as declaracións de alta, no suposto de novas construcións, as declaracións de modificación de titularidade en caso de transmisión do ben, así como as restantes declaracións por alteracións de orde físico, económico ou xurídico nos bens inmovibles que teñan transcendencia a efectos deste imposto.
2. Sendo competencia do Concello o recoñecemento de beneficios fiscais, as solicitudes para acollerse deben ser presentadas á administración municipal, ante a cal debemos indicar, así mesmo, as circunstancias que orixinan ou xustifican a modificación do réxime.
3. Sen prexuízo da obrigación dos suxeitos pasivos de presentar as modificacións, alteracións e demais, o Concello, sen menoscabo das facultades do resto das Administracións Públicas, comunicará ao Catastro a incidencia dos valores catastrais ao outorgar licenza ou autorización municipal.
4. As liquidacións tributarias son practicadas polo Concello, tanto as que corresponden a valores - recibo como as liquidacións por ingreso directo, sen prexuízo da facultade de delegación da facultade de xestión tributaria.
5. Contra os actos de xestión tributaria, competencia do Concello, os interesados poden formular recurso de reposición, previo ao contencioso -administrativo, no prazo dun mes a partir da notificación expresa ou da exposición pública dos padróns correspondentes.
6. A interposición de recurso non paraliza a acción administrativa para o cobro, a menos que dentro do prazo previsto para interpoñer o recurso, o interesado solicite a suspensión da execución do acto impugnado e acompañe a garantía polo total da débeda tributaria.
- Porén, en casos excepcionais, a alcaldía pode acordar a suspensión do procedemento, sen prestación de ningún tipo de garantía, cando o recorrente xustifique a imposibilidade de prestala ou ben demostra de xeito concluínte a existencia de erros materiais na liquidación que se impugna.
7. O período de cobro para os valores - recibo notificados colectivamente determinarase cada ano e anunciarase conforme ao Texto Refundido da Lei do Catastro Inmobiliario de 5 de marzo de 2004.

As liquidacións de ingreso directo deben ser satisfeitas nos períodos fixados polo Regulamento Xeral de Recadación, que son:

- a) Para as notificadas dentro da primeira quincena do mes, ata o día 5 do mes natural seguinte.
- b) Para as notificadas dentro da segunda quincena do mes, ata o día 20 do mes natural seguinte.

8. Transcorridos os períodos de pago voluntario sen que a débeda se teña satisfeito, iniciarase o período executivo, o cal comporta a acreditación do recargo do 20 por cento do importe da débeda non ingresada, así como o dos intereses de demora correspondentes.

O recargo será do 10 por cento cando a débeda se ingrese antes de que fora notificado ao debedor a providencia de constreñimento.

Artigo 13º. Xestión por delegación

No caso de xestión delegada, as atribucións dos órganos municipais se entenderán exercidas pola Administración convida ou delegada.

Para o procedemento de xestión e recadación non establecido nesta ordenanza deberá aplicarse o establecido pola lexislación vixente.

Artigo 14º. Data de aprobación e vixencia

Esta ordenanza aprobada polo Pleno en sesión celebrada o día 26 de outubro de 2007 -comezará a rexer o día 1º de xaneiro de 2008 e continuará vixente mentres non se acorde a modificación ou derogación.

Disposición adicional

As modificacións producidas pola Lei de Presupostos Xerais do Estado ou outra norma de rango legal que afecten a calquera elemento deste imposto, serán de aplicación automática dentro do ámbito desta Ordenanza.

Disposición derogatoria

Queda derogada a ordenanza fiscal do imposto sobre bens inmovibles aprobada polo Pleno do Concello na sesión celebrada o día 4 de novembro de 1999 e publicada no BOP núm. 248, correspondente ao día 29 de decembro de 1999.— O alcalde, Manuel N. Salgado González.—O secretario, José Mª Novo Ramos. 2007012367

* * *

VALGA

A N U N C I O

Aprobación definitiva da Ordeanza Fiscal reguladora do Imposto de Bens Inmovibles

O Pleno do Concello, na sesión extraordinaria do 12 de novembro de 2007, aprobou inicialmente a Ordeanza Fiscal reguladora do Imposto de Bens Inmovibles, procedendo a continuación á exposición pública, previo o anuncio correspondente, no taboleiro de anuncios do concello e no Boletín Oficial da Provincia polo prazo de 30 días. No caso de non presentarse reclamacións, entenderíase definitivamente aprobado o acordo ata entón provisional, de conformidade co que dispón o artigo 17.3 do art. 17 do Real Decreto Lexislativo 2/2004, de 5 de marzo que aproba o Texto Refundido da Lei Reguladora das Facendas Locais.

No Boletín Oficial da Provincia núm. 223 do 19 de novembro 2007, saíu publicado o anuncio, sen que no prazo de 30 días se presentaran reclamacións. Polo tanto, atópase aprobada definitivamente a ordeanza antedita.

Procede agora publicar o seu texto íntegro no Boletín Oficial da Provincia, en cumprimento do disposto no artigo 17.4 da Lei 7/85, do 2 de abril, para a súa entrada en vigor ao día seguinte desta publicación.